

問影樓輿地丛书

同影樓與地產

陝西
南山
山谷
口考

光緒戊申仿聚
珍版印於京師

序

秦據天下上游之勢控河山百二之雄一旦盜至叩關入絕無留者而往來自如也尙爲秦有人乎夫關中被山帶河險阻之四塞未改也固猶然天府之國也伊古在昔王者得之以王霸者資之以霸矣中才處之宜猶足以自保哥舒翰輩不足論何以同治之元賊薄武關旣莫之爲禦以成秦禍越五年而寇我潼關猶莫之懲而坐失連城之險耶韓退之守戒曰在得人豈不信哉人之一身腠理爲急護其要害數處而止耳秦爲天下之脊南山則秦之脊也而山之諸谷則其窾繁也顧其說往往散見於篇未有匯而著之者倉卒有事將回惑而不得其要誠讀是書而講其利害聚餉選兵以扼之外侮絕焉舉良有司而填撫其民內亂奚生焉毛子作爲是書其猶足雪秦無人之譏乎易曰王公設險以守其國苟得其人雖無險隘乎猶將陂塘灤以限戎馬列保寨以固藩籬矧擁河山之勝哉雖然彼泄泄者昧安不忘危之義方且迂是書以覆瓿而莫

之省也毛子其奈之何也毛子曰士君子得位則行其道窮則立言以儲用有
鞏屏藩以衛 國家者乎是書也吾將存之以俟其人同治七年歲在著雍執

徐秋壯月既望山陰萬方煦序於長安旅舍之豫齋

國之興衰皆繫乎其人
 士君子得位則行其道窮則立言以儲用有
 鞏屏藩以衛 國家者乎是書也吾將存之以俟其人
 同治七年歲在著雍執
 徐秋壯月既望山陰萬方煦序於長安旅舍之豫齋

陝西南山谷口攷

甘泉毛鳳枝撰

關中之險東有潼關西有隴阪東南有武關北有大河所謂四塞之國也而其足爲關中之患者則恒在南山誠以南山屹起昆侖尾銜嵩嶽橫亘潼關華陰華州商州維南渭南藍田咸甯長安鄠縣盩厔郿縣寶雞之境幾及千里深山穹谷不可殫究其正南通興安出郿襄其東南抵商州連楚豫其西南毗漢中道隴蜀昔年賊蹤出沒無不假道于此故關中之患恒在南山而南山之患又在諸谷也議者謂三秦地利自古稱雄多事之秋足以自守不知古人尙車戰故山谿足以隘戎馬今則步騎風馳詭道萬端攻其無備出其不意有出于鄧艾陰平之上者而南山諸谷徑路紛岐多置兵則備多力分少置兵則顧此失彼故今日之關中不若大梁之易守也大梁雖四戰之地然我無險賊亦無險關中則不然我之險要善守之足以制寇不善守之使賊乘間而入則南山之

險反為賊用彼利則進攻不利則退守是猶納蜂蠆于袖中閉虎狼于一室其
不嚙且蠶者鮮矣吾故曰守大梁易守關中難雖然地無常勢兵無常形善用
兵者因地形以知利因地利以設謀雖丈五之溝漸車之水尙能禦寇况乎百

二之雄哉故攷南山谷口北向者起潼關抵寶雞凡得一百五十所箸于篇

山谷

口也說文云泉出通川為谷今音讀若穀古音讀若欲又轉為裕又轉為庚又
轉為油今關中讀若裕而其字則俗書加山作峪今兩從之所謂名從主人也

自潼關以西渭水之南山之大者皆曰南山南山之高者悉名秦嶺潼關之南

又有小秦嶺接商州境其谷則一曰太谷俗名太峪口亦曰秦峪嶺

在潼關城南四十里有太峪關舊志云屬河南闕鄉三省邊防道路攷由雒

南縣北三十里曰石家坡又三十里石牆又二十五里巡檢 又三十五里

黑掌坡又十五里太峪嶺

通志云潼關城西南至雒南縣治一百四十五里

至潼關界山路陡險由

谷口沿山東行可達關鄉亦間道也

又西為麻谷

在潼關城南四十里有麻峪關

又西為禁谷 一名禁溝 一名禁院

禁谷之北曰蒿岔峪 蒿亦作嵩

禁谷在潼關城南三十里有禁峪關通志云潼之左有谷平日禁人往來以權征稅谷之南為維南界唐廣明初黃巢陷虢州張承範屯潼關關左有禁谷官軍忘守即此今案谷之北有龍王廟又北曰蒿岔谷有蒿岔谷水北入

河沿谷水北行登潼關南原復折而西可越過潼關達華陰境 案通志與圖華陰縣東南

二十八里有瑞村原距潼關十里瑞村原之北又有金盆原此二原當與潼關之南原相接俟攷○案明史崇禎八年九月洪承疇破流寇于渭南臨潼關李自成東走高迎祥亦屢敗東踰華陰南原絕嶺偕自成出朱陽關與張獻忠合是南原自昔為間道矣○又崇禎十一年李自成東遁洪承疇令曹變蛟設伏于潼關之南原大破之賊既以南原為間道果能設伏於此豈非伐謀之道乎 昔人嘗設十二連城于此置

兵戍守以防秦嶺諸谷今連城既廢禁谷幾成坦途矣○通志云潼關古關

隘舊有十六一曰古城關在城東南四里自此至西谷皆有烽臺一曰寺角

營關在城東南十五里一曰車峪關在城東南三十里一曰西峪關在城東

南四十里一曰石門關在城南二里一曰禁峪關北魏宇文泰擊寶在城南

十里一曰巡底關在城南十里一曰溝西關在城南十五里一曰漢井關在

城南二十里一曰五莊關在城南二十五里一曰麻峪關在城南三十里一

曰水門關疑即下在城南三十里一曰太峪關在城南三十里太谷見前一曰潼

峪關在城南三十里潼峪舊有防兵一曰上關在城南三十里一曰南渡關

在城西十里一曰永樂關在城東北四十里有永樂鎮渡以上十六關基址

俱存而防守城堡墩臺久廢余案南渡永樂二關為西北之隘其餘皆南山間道也○城東有姚讚屯南有暗門隘姚鸞屯

廢俱

潼關連城說楊端本撰文載陝西通志

昔人謂泥丸東封函谷關今日之潼關鎖鑰西秦謂即古之函谷者非也然

入關有三道潼入關之正道也商之武關入關之孔道也昔漢祖破秦由此

入咸陽朝邑古臨晉地自夏陽至關平曠百里大河易渡漢祖往來關中常

由臨晉而七國之變亦欲兵由此入是又入關之隙道也五泉先生云一方不戒三險俱失誠哉是言也然武關萬山險阻一將偏師可以無虞朝邑雖曰平曠百里命將建營于中路設巨礮數十南北巡守則大河卽天塹也至潼關之守則禁阬最爲要地昔黃巢從禁阬破關明逆闖李自成亦由禁阬陷關豈非一方不戒而失三險之明驗乎蓋疎忽地理之要而十二連城之廢也古設十二連城于禁溝之西由南郊以抵山麓計三十里而十二城是三里一城也每城設兵百人而于中城益其兵多設火器矢弧連絡呼應疾若風雨卽有百萬之衆豈能超越而飛渡耶故守關而不守禁溝者猶勿守也守禁溝而不建十二連城者守猶未善也是猶一室之內杜門塞竇以阻鳥雀之入而忘閉其牖也是以關予敵非所以固圍也守關者察地理之形勢謀封疆之萬全周歷山川曠覽古昔鑒觀成敗其于建連城以控禁溝控禁溝以固關亦訂謀而重慮之乎

附載通志云潼關南門外不數步即闔鄉華陰界今案輿圖由潼關東南三

十里之董社原隋楊元感與宇文述戰于此西行過蒿岔峪河又渡潼河西行可越過潼

關至華陰又由潼關東南之金陵關西行至闔王溝一名源望溝傍南原西行渡

蒿岔河又渡潼河楊家河亦可越過潼關至華陰疑皆間道也此就圖言之尚宜詳攷

或云潼關北城門外黃河水涸時由河灘行走亦有間道至華陰

又西為水谷

在潼關城南三十里有水門關自水谷以西南山之高者皆名秦嶺通志云秦嶺在

潼關城南三十里嶺南即
淮南界相近有龍文山

又西為潼谷水經注謂之通谷

在潼關城南三十里潼水出谷中北入河有潼谷關峪口有老君洞

又西為蒲谷

在潼關城南三十五里為潼關華陰連界處

右潼關谷口凡九關城南距秦嶺三十里

又西為松果山

在華陰縣東南二十七里通志云山通襄鄧之間

又西為水谷

在華陰縣東南有泥泉水北入渭谷南為秦嶺

又西為靈谷

在華陰縣東南

又西為朝陽山一名留翎巒

在華陰縣東南山南為秦嶺通志云秦嶺在華陰縣南屬華維分壤之界華陰

南至雒南縣界四十里至雒南縣治一西接華州東抵潼關懸崖疊嶂高不百七十里西南至雒南縣界八十里

可攀通行者皆曲徑實終南一廽

又西為蒲谷

在華陰縣東南有蒲谷水北入渭

又西爲寶谷一名杜谷

在華陰縣東南有寶谷水北入渭

又西爲黃神谷

在華陰縣東南有黃龍潭水北入渭

又西爲泰華山

在華陰縣城南十里

又西爲仙谷

在華陰縣西南有車箱谷水北入渭車箱谷在仙谷之南

又西爲好漢山

在華陰縣西南十五里

又西爲甕谷

在華陰縣西南十五里有黃酸水北入渭土人云甕谷有路通藍田通志云甕谷環抱如甕爲商維徑道道險舊有防兵谷之南有升山爲黃酸水發源處縣志云甕谷爲商維徑道道甚險惡明知縣王時雍修治之入谷五十里曰甕嶺東轉爲華陽川卽古華陽藪也通志驛傳攷由維南縣北二十五里曰齊家舖又三十里楊氏城舖又二十里板廟河舖又二十里度黃龍山至華陰縣甕岔舖卽甕谷路矣

又黃龍山之東有香山及太子坪距維南百里亦與華陰連界

又西爲大敷谷一名羅敷谷

在華陰縣西南三十里有敷谷水受秦嶺諸小水經流最大北入渭通志云入谷十三里有相公嶺

又西爲蔥谷

在華陰縣西南三十五里有蔥谷水北入渭

又西爲大谷

在華陰縣西南

又西為方山谷

在華陰縣西南為華陰華州連界處有方山河北入渭谷南為蟠龍山又南

為乾喜舖通雒南界

通志云蟠龍山可通白崖谷白崖之東即構谷也詳見下文○又方與紀要云秦華山之東有牛心谷南通商

雒為險阨處今未詳所在附記于此

右華陰縣南山谷口凡十三縣南距秦嶺五十里又三省邊防道路攷由雒

南縣之常水鎮迤西北二十里曰孤山又三十里曰麻坪又七十五里曰苦

坨與華陰連界山路崎嶇

又西南三甲山

在華州東南

又西為鳳居山

在華州東南三十里柳子鎮南山接秦嶺南來之颯突立一峯左右兩山如

舒翼然

又西爲構谷

在華州東南有構谷水北入渭谷之西南爲嶺底鋪東南爲乾喜鋪與華陰
維南連界通志云自谷而南四十里爲構嶺又三十里爲秦嶺逾嶺而南有
路通商雒

又西爲白崖谷

在華州東南谷之北有移山潭又北爲蓮花池二水自池中北流爲渠會構
谷水入渭谷之西北爲羅紋鋪自羅紋鋪入谷南行三十五里曰嶺底鋪又
東南三十里至乾喜鋪又四十里至華陰甕盆鋪合甕盆谷路通谷南

又西爲獼虎谷

在華州東南

又西爲甯山